

առ ժամն ոչ առաքեցաք զԿիրակոս Եպիսկոպոսն, զոր եթէ արժան համարիք՝ զնա կացուցիք աստ վերակացու գործոյն, և եթէ զայլ ոք արժանաւոր առաքէք, զնա առաքեմք 'ի Ս. Աթոռդ: Զայս ամենայն ուղիղ մտօք ծանուցեալ՝ մնամք առ 'ի ձէնջ պատասխանեոյ. ողջ լեր երկար կենօք:

Ի 20 Յունիսի, 1837.

Ծ. Տ.

Ծ. Տ.

Ծ. Տ.

Ի Կոստանդի-
նուպօլիս:

Յարութիւն

Միքայել

Ճանիկ

Երկարեան: Փիշմիշեան: Քեանեայ:

Գրեաց և ինքն Կիրակոս առանձին թուղթ առ Պօղոս Եպիսկոպոս, յորում յորդորէր զնա լինել համախոհ կամաց և խորհրդոց նոցին, զի չէր ինչ տեղի կասկածանաց. եւ յետ բազում բանից յաւելու ասել՝ « Գիտես Տէր իմ, եթէ չէաք տեսեալ զցուցակ գանձեալ դրամաց հոգեւոյս Տ. Գրիգորի Շղթայակրի հայրապետին, ոչ իսպառ գիտէաք՝ զի չիք ուրեք յիշատակութիւն ինչ, այլ ո՞ւր մնաց այն դրամ, զի՞նչ եղեւ, առ ի՞նչ վատնեցաւ, ոչ ոք գիտէ. ապա գրէ կարգեւ զմին Միւթէվէլի Աթոռոյն՝ եւ զերկուսն Նազր և Վերակացու՝ տեսանել զհաշիւն և հոգալ զգործս Աթոռոյն: Այլ այս խորհուրդ՝ որպէս երեւի՝ ոչ եհաս յարդիւնս յայնժամ, զի բացեալ էր դուռն խռնովութեան և հակառակութեան 'ի մէջ ազգաց՝ և Պօղոս բազում դրամաց պէտս ունէր, եւ չէր հնար հանել զայն արտաքս:

Գ Լ Ո Ւ Խ Ծ Դ .

Գիր մեծի Վէդերին առ Դատաւորն: Զնջումն երկոց հրովարտականն Հայոց՝ Հակառակութիւն Յունաց. բողբ նոցին առ Հիւսպատոն Ռուսաց: Պատճէն թղթոց Հիւսպատոնին, Փոխարբոյն, Գաւառապետին: Ժողով 'ի գատարանի վան քննութեան խնդրոց Հայոց և Յունաց:

ՅԵՏ Ընթերցման հրովարտակին Լատինաց սակս Համբարձման տեղւոյն, որպէս գրեցաք, գրեանք Դատաւորին հասին 'ի Կոստանդինուպօլիս 'ի ձեռն Սարկաւազաց, թէ